



AD QVODLIBETARIAM
QVÆSTIO MEDICA.

MATVTINIS EXCVTIENDA DISPVT.

IN SCHOLIS MEDICORVM,

die Iouis xvi. Nouembris. 1662.

M. IACOBO BOVIONIER
DOCTORE MEDICO PRÆSIDE.

Est-ne gemellorum par sexus dispari viuacior?

I.

AQVIBVS vltima generationis absoluendæ linea ducitur, ab iisdem vitæ vel diuturnioris, vel breuioris constituuntur primordia. Ad hæc nihil Planetarum vt aiunt exaltationes aut carpenta, nihil prima vel octaua cœlidomus, aut in ipsis constituta sydera; parentes omnia, mater plurimum confert. Sexus discrimina summo jure moderatur masculum semen, sed in vtero: extra vterum vel ad tepidum solis lampadem, roremve cœli, vel in vitro, equinoë chymici fimo: vel in regionis denique lunaris fecliciore solo, nihil effecturum. Huic locum, materiam, & alimenta sic mater præbet, vt aut excitatas aut enervatas ipsius artificis vires possit ad robustiorem vel infirmiorem fœtus indolem

ã

traducere. Hinc cum illis præclariùs agitur qui ex sese firmiùs habente matre geniti, quàm cum illis qui robustum patrem & imbecillam matrem fuère sortiti.

I I.

VE L in minimis natura sic agit, vt donec opus absoluerit, sui juris esse, nec ab opere velit interpellari. Concurrerint elementa, & jam in sese per variè distributa caloris & frigoris momenta comparentur; si quid minùs expectati obstiterit, Illicet, erumpet in neruum omnis paratæ quantumuis & ad magna sese ferentis industriæ meditatio. Ad hominis generationem, quàm accuratè conquisito, quàm lentè quàm fastidiosè perpenso innumeræ supellectilis apparatu res à naturâ peragatur, patet, & hæc nullibi sæpiùs aberrat infeliciusve corrui. Quid ita? nullibi sæpiùs ab eo quod intenderat opere distrahi, fluctuare, & ad varia rapi cogitur. Vt quemadmodum per viles paludis lutulentæ riuulos, sine nomine serpunt ignobiles aquæ, quæ si liberiore ferrentur alueo, in nobilem fluuium excurrerent: Sic naturæ pluribus incumbere non valentis impotentia monstrorum distortissimæ facies appareant, quæ sedulo ejusdem ad vnum attendentis labore enituisse elegantissimæ.

I I I.

DI R I V S monstri nomen haud patiuntur gemelli. Leniusculam naturæ nonnihil conuiuentis aberrationem præ se ferunt. Hæc in homine, dum ad alia rapitur ituri ad feminis confectionem excrementi copia, generatione omnibus elegantia numeris absolutâ perfungi non potest, si plures generet. Quod tamen, si quando euenit, quid geminorum, sagittariivæ primam horoscopi cuspidem tenentis, quid planetæ in ascendente bicorni dominantis imbelles vires memorant? Consilio naturæ minùs congruentis euenti causa naturalis est. Seminis quas aggregari oportuerat variâ iactatione discretæ partes, si diuersis fuerint iisdemve caloris

viribus instructæ, adpellentem materiam, ad disparem partemve sexum informant. Nihil hic famosa possunt vteri aut varias in cellulas, aut in partes variè affectas partiti, discrimina. Is enim est æquabili & particularum planicie & temperamenti constitutione præditus.

I V.

SEXVS ejusdem gemellos vix & laboriosè sustentat natura, sustentat tamen; & geminatas soliti laboris vices putat illarum, vt ita dicam, germanitate subleuari, perpetuo disparum dissidio, quo tandem modo faciat, satis non habet. Quin ad alterius formationem, jamjam admouendam vltimam manum inhibere, & ad designanda alterius prima vixdum rudimenta incurrere quasi defultoria cogitur. Peruertenda omnis procurandi alimentorum commineatus ratio, & hic modo vel necessariis defraudandus, modo huic nimia oggerenda, omnia tandem fortioris arbitrio permit-tenda. Ex quibus tantis vt angustis emerferit, emittendæque ad lucem tantæ sarcinæ tempus aduenerit, quam se anxie torqueri, quàm molestè sensus omni materno amore molliores diuelli videt. Emittatne planè jam absolutum & corroboratum marem? Quid aliud aget, nisi fœminæ statim morituræ sanguine incolumitatem illius asserat? Expectetne dum hæc firmior euadat? at ille non jam in vtero enutriri, sed in tetri carceris ergastulo cruciari, & in mediis ignibus exuri videbitur. Quid igitur? eligit medij quendam modum, vt alterius nonnihil proroget, alterius planè non expectet tempora. At hujusmodi medio nihil ad infantium nascituro-rum vires calamitosius: quæ enim aliàs alterutrius saltem saluti consulisset, sic vtrumque vel præproperâ festinatione, vel lentioris moræ cunctatione pessundat.

V.

QVI nihil astris debuit nascens par gemellorum sexus, natus nihil ab astris timet, nisi ne corruant, eo-

que fidentiùs per variè occurrùs discriminum casus vitam trudit, quò periculosiùs illius vsuræ primordia percepit. Neque enim sine periculo leges à naturâ obseruari solitæ immutantur. Hæc verò sit concessa cæteris animalium speciebus licentia plures generandi, variosque simul sexus in lucem emittendi: Homini proprium sit, vt ad vnius generationem à naturâ destinatus esse videatur. Huic exquisita illa temperamenti nobilioris indoles non ad natorum multitudinem data, sed ad eam rerum gerendarum præstantiam, quæ necessariâ speciei propagationis oblectatione exhilarari, non multiplici educationis innumera fastidio grauari possit. A cæteris animantibus quasi debitum concessæ vitæ vectigal prolem exigit natura, hominem & suis quidem sed & sibi profectò seruire patitur.

Ergo gemellorum par sexus dispari viuacior.

Proponebat ANTONIVS LE MOINE, Parisinus,
Anno Domini 1662.

DOMINI DOCTORES DISPVTVRI.

M. Carolus Baralis, Med. Reg.

M. Ioannes de Bourges.

M. Nicolaus Richard.

M. Ioannes Anton, Bourgand.

M. Robertsus Patin.

M. Petrus le Mercier.

M. Gertmanis Nivens:

M. Michaël de la Vigne.

M. Claudius Guerin.

PARISIIS.

Apud FRANCISCUM MUGVET, Typographum
Regium, viâ Citharæ, ad insigne trium Regum.

M. DC, LXII.

cette thèse est la 1133^e. Du titre VII
in folio des thèses de la faculté. cependant
M. Brantôme ~~se~~ remarque dans le Sénes chronologique
questionnaire medicorum page 51 que c'est
au mois de novembre 1762 que les thèses
qui auparavant étoient imprimées in-folio ont
commencé à l'être in-4. — X